

E Pitsche-Lewe

Meistens hoggt merr joo dehoom erum unn trotzdem will merr jeden Owend wisse, wies Wedder omm nächsde Daach werrd. Unn doo horscht merr im Radio, guggt Fernseh odder blättert in de Zeitung, unn merr freit sich wennes heeßt es dut Reesche gewwe unn freit sich aach wennes haaße dut, die Sunn scheint de gonse Daach, je noochdem was merr moont ess deet merr brauche odder ess wär nödisch.

Unn donn hawwe vill Leit su e Wedderstation, wo merr sieht wies Wedder grad iss unn omm onnern Daach werrn dut mett Luftdruck, Luftfeuschdischkeit unn was waaß isch noch allem. Dess alles iss enn Gugg in die Geeschewart unn Zukunft, awwer wies gewese iss waaß merr meisdens sellwer, merr hotts joo erlebt.

Nor mett dem Reesche iss dess su e Sach. Doo heert merr im Radio, dass in Owwerhese su unn su vill Millimeter Wasser erunnerkumme sinn odder aach im Odewald, awwer wie vills in Flerschem uffem Rothausplatz gewese sinn dess heert merr nitt, dess kann merr aach nitt noochlese, aach nitt vunn de Dreiheisergass odder de Kolonnade, aach nitt in dere Strooß wo de wohne dust. Wenn merr enn Gadde hott odder enn Balkon ohne Dach kann merr su e Reesheglas uffstelle, doo guggsde druff unn siehst die Millimeter, dies gereeschend hott. No ja, dess Glas mussde nooch jedem Schutt ausleern, awwer wer mächden dess.

Doo isses besser, du host vorm Haus in de Strooß e Loch, naa, eischendlich koo Loch, su e Dell suzesaache, in dere sich dess Wasser sommele dut, also innere Pitsch.

Unn uff su e Pitsch kann isch vumm Kischefensder druffgugge. Hotts vill gereeschend iss die Pitsch enn onnerdhallwe Meder braat, wenn wenischer Wasser erunnerkumme iss doo mächts nor enn hallwe Meder aus, unn wennes garnitt gereeschend hott isse halt nitt doo. Also kann isch seh, wenn isch moins omm Fensder enaus gugg, obs in de Nacht vill odder wenisch odder garnitt gereeschend hott. Unn ferr ooner wie misch, der enn kloone Gadde hott unn sich aach Gedonke mächt iwwer de Grundwasserspiesel in de Nadur isses gut ze wisse, muss die Fraa die Blumme gieße odder nitt unn werrd villeischd dess Wasser deirer.

Awwer meddere Pitsch iss dess su e Sach, weil se joo e Dell odder e Loch in de Strooß odder uffem Troddewa brauche dut. Unn weil joo jed Stadt su Pitschewäschder beschäffische dut, also Leit, die owacht basse, dass die Lescher nitt ze groß werrn weesche de Verkehrssicherheit ferr Rollatordrigger unn Audofahrer, dun die dess Asphaltaudo odder de Plässderer kumme losse unn schwupp, isses Loch zu unn die Pitsch duts nimmi gewwe, sie hott donn suzesaache ihr Pitsche-Lewe in die Luft gehauchd.

Jetzt werrd monscher saache, no ja de Honnes, der deet sich aach besser mol su e Smartfon ooschaffe, weil doo duts Äpps gewwe, in dene merr genau dess lese kann, ewe die Millimeter Reesche in de Dreiheisergass odder uffem Rothausplatz odder in soiner Strooß.

Isch deet awwer ze Antwort gewwe, ei doo gugg isch doch lieber uff die Pitsch. Weil e Pitsch iss Nadur unn e Smartfon iss digidal unn dess iss enn Unnerschied. Isch habb emol su emm junge Monn in unserne Gass gesaad, heern Se, wie schie die Omsel uffem Dach singe dut? Dess mächt se nor im Friebling unn im Summer. Doo klebberd der uff soim Smartfon erum, hält merrs hie unn wie isch aus dem Ding e Omsel habb singe heern seeder: Meine Amsel singt auch im Winter.

Eiern Honnes